

մարդոյ եթէ ամուսնացեալ և եթէ յազգականութեամբ ընդ այրս ոչ ոք կին և դուստր մի մտցէ 'ի տունն այնմ, բայց մայր և քեռ բնակողին տանն այրն յայնմիկ, բայց 'ի տօնի հանդիսի որում կարող են մտանել բազմութեամբ 'ի միասին:

Գ Լ Ո Ւ Ն Ք ԶԴ.

Ոչ ոք այր և կամ կին յանդգնելով ոչ մտցէ 'ի տունն այլոց առանց ընդունելութեան Տեառն տանն յայնմիկ:

Գ Լ Ո Ւ Ն Ք ԶԵ.

Ոչ ոք պաշտօնեայ որ ոք յիշխանի որ իցէ ոչ կարէ խորտակել դրունս և մտանել տուն այլոց, եթէ արդարոց և եթէ մեղաւորաց և կալանաւոր առնել մեղաւորն, բայց եթէ դուն բաց գտցէ կարող է մտանել ըմբռնել մեղաւորն ըստ հրամանի Տեառն իւրոյ:

Գ Լ Ո Ւ Ն Ք ԶԶ.

Ձեռ պաշտօնէի իշխանին հրամանաւ իշխանութենէ Տեառն իւրոյ շօշափելով 'ի վերայ ում ոք որ իցէ իսկոյն նս կապեալ է և պարտ է նմայ հնազանդաբար երթալ զհետ պաշտօնատարին ուր և հրամայիցէ պաշտօնատարն: